



-Klub zastupnika SDA u ZD PFBiH -
STRANKA DEMOKRATSKE AKCIJE - PARTY OF DEMOCRATIC ACTION
Sarajevo, Mehmeda Spahe 14; Phone: ++387 33/ 21 69 06; Fax: 22 53 63-mail: sda@bih.net.ba

Datum: 23.06.2020. godine

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

PARLAMENT FEDERACIJE BIH

PREDSTAVNIČKI DOM

n/r Mirsada Zaimovića, predsjedavajući

Prijeto: 23-06-2020			
Org. jed.	Broj	Prilog	Vrijednost
01-	02-	589/20	

U Skladu sa članom 153. Poslovnika o radu Predstavničkog doma Parlamenta Federacije Bosne i Hercegovine, podnosimo:

PRIJEDLOG ZAKLJUČKA

Tekst prijedloga zaključka:

Klub zastupnika SDA u Predstavničkom domu Parlamenta Federacije BiH predlaže usvajanje zaključka o potpunoj zabrani izgradnje malih hidroelektrana na cijeloj teritoriji Federacije Bosne i Hercegovine.

Obrazloženje

U posljednje vrijeme se mnogo radi i priča o izgradnji malih hidroelektrana, mHE. One su obično vezane za male vodotoke, rječice i potoke. U Bosni i Hercegovini je do sada izgrađeno preko stotinu malih hidroelektrana, a veliki broj njih je, preko 300, u raznim fazama planiranja, pripreme i izgradnje što znači da u Bosni Hercegovini neće biti ni rijeke ni potoka bez barem jedne male hidroelektrane.

Primjeri pokazuju da njihova izgradnja znači i potpuno uništenje prirodnog oblika i funkcije rijeka te flore i faune riječnog ekosistema. Male hidroelektrane predstavljaju postrojenja koja proizvode izuzetno male količine električne energije, istovremeno čineći nemjerljivu ekološku štetu.

Izgradnju ovih mHE prati i devastacija obala, korita rijeka jer su cjevovodi koji povezuju vodozahvat i turbinu često dugi i po nekoliko kilometara.

Zakonom o vodama („Sl. novine Federacije BiH“, broj: 70/06) nadzor nad ovim malim hidroelektranama je uglavnom na kantonalnom nivou zbog kapaciteta koji je ispod 5 MW. Samo izuzetno, ako su dvije hidroelektrane u nizu u dužini 2 km a zbir njihove jakosti prelazi 5 MW nadležnost je


Federalne vodne inspekcije i u slučaju da se hidroelektrane nalaze u vodotoku I kategorije. Koncesije na vodu su takođe u nadležnosti kantonalne vlasti.

S aspekta voda najveći problem kod ovih objekata je poštivanje prihvatljivog protoka koji je propisan u Pravilniku o načinu određivanja ekološki prihvatljivog protoka („Sl. novine Federacije BiH“, broj 4/13). U ljetnim, sušnim mjesecima kada se znatno smanje protoci voda često dolazi do narušavanja ekološki prihvatljivog protoka i negativnog djelovanja na ekosistem u ovim malim vodotocima. U ovom slučaju bi vlasnici mHE trebali da smanje proizvodnju električne energije ili je čak potpuno zaustave što im je propisano vodnim aktom, ali često se to ignoriše i u tom slučaju nadležna vodna inspekcija treba da reaguje.

S obzirom na sve navedeno predlažemo usvajanje zaključka o potpunoj zabrani izgradnje malih hidroelektrana na cijeloj teritoriji Federacije Bosne i Hercegovine.

Sarajevo, 23.06.2020.

Predsjednik Kluba


Osman Čatić